

[www.BibleForChildren.org](http://www.BibleForChildren.org)

# Mãteo 8



'Āmnīy tix nōg, 'īhā tikmū'ūn yāytap-tup kōmēn Kānā tu' hāpxexka Ganinet kopah, tu 'āmuk xexka mīy, ha Yeyox mūktut xip. Ha tikmū'ūn te' xānāhā Yeyox xix yōg tik te 12 xop, pu tu xit. Yīy ta' mōg, tu mōktu' mōxaha'.



Ha tikmũ'ũn xohix te xupyãg xo'op, ha mōktu' kox, ha ta' xip Yeyox mũktut, tu Yeyox pu hãm'ãktux, hu: —'Ūkox xupyãg. 'Ūnōg. Kaxīy. Ha' tut te kãmānat pu: —'Āpu hāpxopmā tute 'ãxop xat. Kaxīy.



Ha Yeyox te kāmānat xop pu hām'āktux,  
hu: —'Āpu kōnāg pux, pu naxtox hā nū'xih.  
Kaxīy. Ha' pux ha nū'xīmnāg. Ha Yeyox te:  
—'Āpu' hep kutōgnāg xut, nūy pax mōg,  
nūy 'āmuk xexka yōg xat'ax pu' hōm. Kaxīy.



Ha' xut, tu' pax mōg, ha xat'ax te' hep xo'op, pa 'ap  
kōnāg'ah, yā yāyhā xupyāg. Hām 'ūm tu' nūn 'ūhep?



Yã' yũmmũg 'ohnãg, pa kãmãnat te' yũmmũg nõm  
te' hep xut, ha 'ãmuk xexka yõg xat'ax te tik te yãyta  
xãnãhã', tu: —Tikmũ'ũn xohix  
te' popmãhã xupyãg max  
hãmãxap, ha tikmũ'ũn te  
nõm xo'op, tu mõktu hix  
ka'ok, hak-nãy tu'  
popmãhã xupyãg  
kummuk, pa  
nõmhã' pip  
xupyãg max  
'ohnũ'. Kaxĩy.





Yā hā kaxīy Yeyox te hāpxopmā ka'ok xe'ēgnāg  
hāmāxap, yā kōmēn Kānā tu' mīy  
hāpxexka Ganinet tu' Yeyox  
max xe'ēgnāg, ha Yeyox  
yōg tik xop kuxa mām  
Yeyox kopah.



Ha ta' mōg Yeyox, tu Pet xetut mūg tut ha' mōg, tu'  
mōg tu mōktu mīptut tu' xupep, tu mō'nāhā', pa'  
xetut mūg tut pip, 'ūpakut tu',  
tu' xax pukpex, . . .



. . . ha Yeyox te 'ũn yĩm 'ãpit, ha' xuxi', ha' yok, tuk-nĩhã'  
xip, tu hãpxop xit'ax puk, ha nõ' xit.



'Āmāxāgnāg, ha ta tikmũ'ũn te' nũnnāhā tikmũ'ũn pakut  
xohix xix yāmīy kummuk te tikmũ'ũn kopa' pip xop  
nũnnāhā Yeyox tu' ha  
ta' nũn kōmēn yōg  
tikmũ'ũn xohix xexka',  
tu nũktu mīptut  
yīkāgnāg tu' pip,  
nũy pēnā', . . .



. . . ha Yeyox te tikmũ'ũn pakut xohix hittupmãhã', tu hãmpakut xohix mõi, tu yãmĩy kummuk xohix mõi, ha yãmĩy kummuk xohix te Yeyox yũmmũg, yĩy Yeyoy te nãm xat, pu hãm'ãktux hok.



Ha tikmũ'ũn xohix te Yeyox 'ãpit putup, Yeyox mũn ka'ok hah, yĩy tikmũ'ũn kuxa hittup.




Pa hāpxip 'ihā tikmū'ūn te hām'āktux, ha tikmū'ūn xohix  
te' yūmmūg, 'ūxip Yeyox, tu ta' nūn tikmū'ūn, yā  
yāytunū'nāhā 'ūxohix, . . .



. . . ha mōktu mīptut hā nū'xīmnāg xix hāmyīkox yīka  
nū'xip kama hāptopah, ha Yeyox te tikmū'ūn pu Topa  
yōg hām'āktux'ax 'āktux, ha ta' nūn tik te' 4, tu tik  
hāpkumep hok nūnnāhā', yā tutpe hā mō'tat.



'Ūnŭn pa' pip tikmũ'ŭn xohix, yĩy ta  
Yeyox ha' mōg 'ohnāg mĩptut kopah,  
hu ta pepi' mōg, tu mōktu mĩptut yĩmũ'  
mām, tu hāpxax mōy Yeyox xuka', tu ta hām  
tu tutpe hā tik pakut xix Yeyox keppa', ha  
Yeyox te' yũmmũg  
tik kuxa mām  
ka'ok.




Yeyox te tik hãpkumep hok pu hãm'ãktux, hu: —'Ûgnix,  
Topa te 'õg hãpkummuk mĩy'ax  
xaxogãhã', ha' kux. Kaxĩy.


—'Ãpu 'ãyĩpxit, nũy  
pepi xhip, nũy 'õg  
tutpe pepi' xup, nũy  
ta mõg yãy  
pet hah. Kaxĩy.



Tu ta' mōg, tu mīpkox hā mō'nāhā', nūy kōnāg xexka  
yīmū' mōg, ha yāy yōg tik xop te nū  
mūtik mōg. Hāpxip 'ohnāg īhā  
kōnāg gāy, ha 'āmuuk gāy  
kamah, tu mīpkox  
mō'yōn, ha yāy  
mahamnām kōnāg yīmū', ha  
kōnāg te mīpkox hā  
mō'yūm, pa Yeyox  
mō'yōn.



Ha Yeyox te: —Teptu yã 'ãkuxãnõg? 'Ãkuxa mãm  
pu'ũgnãg 'ũgkopah! Kaxĩy. Tu' yok, tu 'ãmuuh gãy tu'  
xat, xix kõnãg gãy tu' xat, pu tu xuxi', ha' xuxi'. Ha tik  
xop te' pẽnã ka'ok, 'ũkuxãnõg tu', tu: —Tik 'ũm 'õhõm?  
Yã 'ãmuuh gãy xat, xix kõnãg  
gãy xat, ha' yĩpkox pip,  
hu' xuxi'! Kaxĩy.



Yã Topa te  
mõ'yãyxe'ěgnãg  
hãm xexka yõg xohix xop, hu yãy kutok  
pit puxehnãg nũ'kutnãhã' hãm xexka tu',  
puyĩy xohix 'ũm 'ũkuxa mãm ka'ok  
Topak-tok kopah, hu' xakix ka'ok  
putup'ah, pa' hi xe'ěgnãg  
mõkuma'mõg putup, ha' kux  
'ohnãg.



Hõmãn 3:23 'Ūhep xop xohix te Topa yõg putat xak, tu' nĩm, tu hãpxopmã kummuk pax, hu Topa putuk 'ohnãg.

Hõmãn 6:23 Tikmũ'ũn te hãpxop kummuk hã yãy kummugãhã 'ũyãnãn tu', nũy pago, hu ta xakix. Pa Topa te hãmmxnãhã', 'ũhok hã hãmmxnãhã', nũy tikmũ'ũn hĩnnã xe'ëgnãg. Yeyox Kunnix xok hã' hĩnnãhã', nõ'õm yũmũg xuxyã xe'e', ha yũmũg kuxap-xet Kunnix kuxa mũtik.

'Emeo 9:27 'Ūhep xop xohix xakix puxet, hak-nãy tu Topa te' yõg hãpxopmã'ax kopit putup, 'ok pe hãpxopmã max, 'ok pe' kummuk, tu' kummuk xop pu hãpkummugãp-tup, nũy tu yãnãn, tu' max xop pu hãmmxnãp-tup 'ũyãnãn tu'.



'Eplex 2:8,9 Ha Topa te ta nemēn 'ohnāg, tu xa hāmmāxnāhā', 'īhā' hok tu 'āxop kuxa kummuk xit, nūy kuxa max tat 'ūyānān tu', 'ākuxa mām ka'ok Yeyox Kunnix kopa hah. 'Āxop te hāpxopmā max 'ohnāg, pu Topa' yānān tu' xa hāmmāxnā'. Yāmhok. Topa te xa' hok hā' kuxa kummuk xit. Hamūn. 'Āxop te hāpxopmā 'ohnāg, puyīy Topa ta nemēn, nūy 'ākuxa kummuk xit. 'Āmhok. Yīy yāy mūn max pe'āpaxeh hok. Yāk-tīgnāg. Yā 'ākummuk.

Hōmān 10:9,10 'Ok xatep-tup, pu Topa 'ākuxa kummuk xit, nūy kuxa max mō'tat 'ūyānān tu'? Xatep-tup, 'āpu 'ānōy pu hām'āktux, hu: Yeyox mūn yāk xuxyā! Kaxīy. Tu 'ākuxa yūm ka'ok Yeyox Kunnix kopah, Topa te' putpu hīnnāhā hah. Xate hāpxopmā kaxīy, puxix Topa 'ākuxa kummuk xit, nūy kuxa max tat 'ūyānān tu'. Yūmūg kuxa mām ka'ok, ha Topa te yūmūg kuxa tupmā', pu tu kuxa max, yūmū'āte' yīkox hā xuktux, puxix Topa yūmūg kuxa kummuk xit.



Yoãm 3:16,17 Yã Topa te mõi'yãyx'e'ëgnãg hãm xexka yõg xohix xop, hu yã kutok pit puxehnãg nũ'kutnãhã' hãm xexka tu', puyĩy xohix 'ũm 'ũkuxa mãm ka'ok Topak-tok kopah, hu' xakix ka'ok putup'ah, pa' hi xe'ëgnãg mõi'kuma'mõg putup, ha' kux 'ohnãg. Topa te yã kutok nũ'kutnãhã hãm xexka tu', nũy nõm hã hãm xexka yõg xohix xop kuxa kummuk xit, nũy kuxa maxnã', nũy nõm yõg hãpkummuk mĩy'ax hã yãnãn hok.

1 Yoãm 5:11-13 Tu xe: "Ãte 'ãkuxa hinnã xe'ëgnãg, 'ũgkutok hã 'ãkuxa hinnãhã, ha 'ãhi kux 'ohnãg," kaxĩy. Topak-tok te tikmũ'ũn mũtik tihi', puxix tu kuxa hi xe'e', ha tikmũ'ũn mũtik ti hok, puxix tu hi 'ohnãg. 'Ãte xa kax'ãmi', nũy xa hãmyũmmũgã'. 'Ãxop kuxa mãm ka'ok Topak-tok kopah, tu 'ãkuxa hi xe'ëgnãg.



Mãteo 8-9; Mã'ak 1-2, 4; Nok 4, 8; Yoãm 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Maxakali NT (mbl) © 2011, Wycliffe Bible Translators, Inc.  
All rights reserved.

<https://www.bible.com/bible/612/MAT.1.MBL>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

